



Sámi Dáiddáriid ja Girječálliid Buhtadusfoanda (SDGB)

NEAVVAGAT STIPEANDAOHCCEIIDE 2026

Stipeanddat sámi dáiddačehpiide, dáiddaduojáríidda, dáiddalaš govvideddjiide:

Bargostipeandda

Mátkestipeandda

SDS čájáhusstipeandda

SDS ávnnasstipeandda

SDS stipeanda vuorrasat dáiddáriidda geat leat badjel 67 jagi

Stipeanddat sámi románačálliide, noveallačálliide, diktačálliide, lávllateakstačálliide, dramatihkkáriidda, mánáidgirječálliide, čálliide, máinnasteddjiide, luohtedajáhusráhkadeddjiide:

Bargostipeandda

Mátkestipeandda

Prošeaktastipeandda

Álggahanstipeandda

SGS ávnnasstipeandda

Oppalaš diedut

- Sámi dáiddáriin ja girječálliin oaivilduvvo sii guđet devdet miellahttogáibádusaid sámi govvaáiddár-, dáiddaduojár ja dáiddalaš govvideaddjiid – ja girječállidsearviide. Stipeanddat juolluduvvot beroškeahhtá miellahttovuodas.
- Čállidstipeandda ohcci ferte leat vuoigatvuoda oamasteaddji 50 siidui seamma čállosis.
- Dáiddárstipeandda ohcci ferte leat bargan dáiddalaš bargguid muhtin áiggi. Ohcci ferte duodaštit dáiddalaš doaimmaid.
- Jus galgá oažžut stipeandda, ferte ohcci eanaš áiggi orrut ja doaibmat Norggas. Go orru heivvolaš, de sáhtta spiehkastit gáibádusas ahte ohcci galgá orrut ja doaibmat Norggas.
- Stipeanddat eai juolluduvvo ohcii gii lea ollesáiggis vuodđooahpus juolludanjagis.
- Jus leat ožžon stáhtalaš dahje eará sámi bargostipeandda dahje nuorra dáiddáriid bargostipeandda, de ii sáhte oažžut SDGB bargostipeandda, muhto sáhtta oažžut mátkestipeanda, ávnnasstipeandda ja čájáhusstipeandda. Dat gii lea ožžon nuorra dáiddáriid bargostipeandda eará stipeandaortnegiin, sáhtta oažžut álggahanstipeandda.
- Stipeanda ii galgga juolluduvvot dutkamii dahje bargguide mat gusket dutkamii, mat dábálaččat gullet eará almmolaš ásahusaid vuollái.
- Stipeanddat leat persovnnalačča ja daid ferte ohcat personnummariin, iige iežat fitnodagain.
- Stipeandda galgá álggahit ja gárvvistit juolludanjagis. Stipeanddat eai doarjja proševttaid mat čadahuvvot dán jagi.
- Ovddeš stipeandaraporttat fertejit leat dohkkehuvvon. Ohcci gii lea ovdal ožžon SDGB stipeandda ferte stipeandaraportta áigemeari siskkobealde sáddet, vai dohkkehuvvo ovdal ođđa ohcamuš gieđahallo.

Stipeanddaid birra

Bargostipeanda

Ovttajkássaš bargostipeanda sámi dáiddáriidda ja girječálliide. Bargostipeanda juolluduvvo dáiddáriidda ja girječálliide geat leat leamaš dáiddalaš doaimmain manimus vihtta (5) jagi. Stipeanda juolluduvvo daidda geain ii leat bargošiehtadusa bokte ollesáiggebargu dan áigodagas masa stipeanda guoská. Bargostipeanda diedihuvvo bálkán vearroeiseválddiide, mákso mánnosaččat ja das gesso vearru.

Mátkestipeanda

Ulbmil mátkestipeanddain lea movttiidahttit sámi dáiddáriid ja girječálliid viiddis fágalaš okta-vuodaide ja doaimmaide. Juogadeami oktavuodas biddjo eanemus deaddu bargohárjáneapmái ja dáiddalaš/girjjálaš doaimmaide manimus golbma (3) jagi. Ohcamuššii ferte deavdit mátkebušeahhtta

ja ohcansupmi. Stipeanda galgá diedihuvvot vearroiseiválldiide, muhto das ii dárbbáš máksot vearru jus ohcci máhtta duodaštit ahte lea geavahan stipeandda mátkkiide.

Prošeaktastipeanda (girječálliide)

Ulbmil prošeaktastipeanddain lea addit doarjaga čállit mánusa ja girjjálašvuoda prošeavttaide nugo omd. (1) bálkán, (2) mátkkedoarjjan, dahje (3) eará goluide prošeavtta oktavuodas. Ohcamuššii ferte deavdit prošeaktaplána, bušeahtta ja ohcansupmi. Stipeanddas gessojuvo vearru.

Álggahanstipeanda (girječálliide)

Ulbmil álggahanstipeanddain lea addit doarjaga sámi girječálliide geat leat álggaheamen iežaset doaimma. Stipeanda galgá geavahuvvot ruđalaš veahkkin ráhkadit bargolanjaid ja/dahje oastit bargolatnjii dávviriid. Ohcamuššii ferte deavdit sisaoastinbušeahtta ja ohcansupmi.

SGS ávnnasstipeanda (girječálliide)

Stipeandda sáhhtá geavahit oastit omd. dihtorbiargasiid, prográmmagálgvuid dahje eará rusttegiid maid dárbbáša čállinbarggus. Ohcamuššii ferte deavdit sisaoastinbušeahtta ja ohcansupmi.

SDS ávnnasstipeanda (dáiddáriidda)

Stipeanda juolluduvvo doarjagan oastit ávdnasiid mat dárbbáša go áigu ráhkadit dahje buhtadit dáiddabargguid. Sisaoastinbušeahhta galgá ohcamuššii čállit. Ii sáhte ohcat oastit reaidduid ja viessodávviriid.

SDS čájáhusstipeanda

Stipeanda juolluduvvo doarjagan bargui sierračájáhusain, joavkočájáhusain gos dáiddarat servvolaččat čájehit iežaset dáidagiid oktanaga seamma sajis, dahje kollektiivačájáhusain gos dáiddáriid dáidagat leat bovdejuvvon. Sáhtta ohcat doarjaga čájáhusaide mat álggahuvvot dahje dollojuvvot boahhte kaleandarjagis, muhto ii fal čájáhusaide mat leat juo álggahuvvon dahje leat loahpahuvvon. Ohcamuššii ferte čálistit gos ja goas čájáhus lea, deavdit čájáhusprošeavtta bušeahhta ja mielddustit čájáhusšiehtadusa čájáhusbáikkiin.

SDS stipeanda vuorrasat dáiddáriidda geat leat badjel 67 jagi

Stipeandda eaktu lea inspireret ja buktit ekonomalaš friijavuoda vai vuorrasat sámi dáiddarat, dáiddaduojrat ja dáiddalaš govvejeaddjit besset joatkit ja ovdánahttit dáiddalaš doaimmaideaset. Stipeandda maidái sáhhtá juolludit dan vuodul go lea ángiruššan searvebargguin mánggaid jagiid badjel. Stipeandda juolluduvvo vuosttažettiin ohcamuša vuodul, muhto SDS dahje SDS miellahtut sáhttet evttohit sámi dáiddára, dáiddaduojára dahje dáiddalaš govvejeaddji gii lea badjel 67 jagi. Stipeanda lea vearrogeatnegas, ja mákso guovtti oasis.

Ohcat stipeandda

Ohcanskovvi

SDGB stipeanddaid sáhtát ohcat ođđa digitála ohcanskoviin mii lea Sámi Dáiddárráđi neahttasiiddus, *samidaiddar.no*. Doppe gávdná guokte sierra skovvi dáiddáriidda ja girječállide.

SDGB ii váldde šat vuostá ohcamuša maid lea deavdán báberskovvá ja sáddejuvvon poastta dahje e-poastta bokte.

Ohcanskovvá deavdá: persovdnadieđuid, CV, dáiddalaš ja čálalaš doaimmaid birra, dáiddalaš plána dahje čállinplána, ohcamušteavstta juohke stipendii, ja dáiddalaš duodaštusa.

Ohcanáigemearri lea oktii jagis: golggotmánu 15. beaivve.

Stipeandageavaheapmi

Ohcanskovis lea sadji čállit oppalaččat dáiddalaš ja čálalaš doaimmaid birra, ja juohke stipeandda vuolde sáhtát dárkileabbo čilget movt juohke stipeandda áiggut geavahit. Čále áigeplána stipeandaáigodaga, prošeavtta dahje mátkki ovddas. Muhtun stipeanddat gáibidit bušeahta dahje olggosgoluid bajilgova, oktan ohcansupmiin.

Jus mánggas ohcet ovtas seamma prošehtii doarjaga, juohke ferte ohcat sierra skoviin. Movt sii gaskaneaset juogadit stipeandarudaid lea ohcciid iežaset duohken. Juogadeapmi čilgejuvvo ohcanskovis.

Mildosat

- **CV** mii čájeha dáiddalaš dahje girjjálaš doaimmaid.
- **Dáiddalaš duodaštus** du dáiddalaš doaimmain ja bargguin. Dáiddarat, dáiddaduojárat ja dáiddalaš govveaddjit sáhttet mielddustit oktiibuot 7 gova. Dát sáhtta leat sierranas digitála govafiillat dahje čohkkejuvvon oktii portfolion/govvaovdanbuktin PDF-hámis. Muite fal čállit dieđuid dáidagiid birra (nama, jagi, ávdnasiid/teknihkka birra, ja eará čuožžuvaš dieđut).
- **Čálalaš duodaštus:** Čállit sáhttet mielddustit oktiibuot 3 teakstabihtta almmuhuvvon čállosiin dahje eará čállinprošeavttain. Juohke teakstabihtta sáhtta leat eanemustá 3 siiddu.
- **Filbma/video/jietnabádden/musihkka** sáhtta bidjat liŋkka neahttasiidui gos beasá dáid vásihit, (omd. YouTube, Vimeo, Soundcloud, Dropbox jna.). Čális dieđuid dán barggu birra (namma, jahki, man guhkká bistá, ja eará čuožžovaš dieđut). Jus liŋka lea suddjejuvvon beassansániin, muite fal dan maidái čálistit. Video- ja jietnafiilla berre lea ollemis ainjuo 6 mánu ovddasguvlui.
- **Bušeahta dahje olggosgoluid bajilgova** čálát juohke stipeandda sadjai skovis. Jus lea dárbu sáhtát mielddustit sierra bušeahta.
- Ale sádde rehketoalu dahje eará dokumeanttaid ekonomalaš áššiid birra.

Stipeandamáksin

- **Bargostipeanda** diedihuvvo vearroiseválddiide, mákso mánnosaččat ja das gesso vearru.

- **SDS stipeanda vuorrasat dáiddáriidda geat leat badjel 67 jagi** mákso guovtti oasis, ja das gessojuvvo vearru.
- **Mátkestipeanda** mákso guovtti oasis: 75% álggus go juolluduvvo, ja 25% go stipeandaraporta okta mildosiin lea sáddejuvvon sisa ja dohkkehuvvon. Stipeanda galgá diedihuvvot vearroiseválddiide, muhto das ii dárbbáš máksot vearru jus ohcci máhtá duodaštit ahte lea geavahan stipeandda mátkkiide.
- **Prošeaktastipeanda girječálliide** mákso guovtti oasis: 75% álggus go juolluduvvo, ja 25% go stipeandaraporta okta mildosiin lea sáddejuvvon sisa ja dohkkehuvvon. Prošeaktastipeanddas gessojuvvo vearru.
- **SGS álggahan-, SDS čájáhus-, ja SDS ja SGS ávnasstipeanddain** ii gessojuvvo vearru, muhto diedihuvvo vearroiseválddiide. Dát stipeanddat máksojuvvo guovtti oasis: álggus 75% go juolludanreivve oázžu, ja 25% go raporta lea sádden sisa oktan mildosiiguin ja dat dohkkehuvvot. Raporta mielde galget leat guittet dahje máksinduodaštus, ja olggosgoluid bajilgova.

Jus oaččut stipeandda

Juolludeapmi geatnegahtá:

- **Raporta:** Stipeandaáigodaga loahpas galgá čallit oanehis stipeandaraporta barggu, geavaheami ja mearkkašumi birra, ja sáddet foandastivrii. Jus raporta ii sáddejuvvo áigemeari siste, ii meannuduvvo du boahhtevaš ohcan. Álggahan-, SDS čájáhus-, ja SDS ja SGS ávnasstipeanddaid raporta ferte vel duodaštit stipeandageavaheami, ja ferte sisdoallat guittiid ja olggosgoluid bajilgovva.
- **Manjdit dahje rievdadit stipeandageavaheami:** Dus lea geatnegasvuohta geavahit stipeandarudaid dasa masa leat ohcan. Jus plánat earáhuvvet dahje du vejolašvuodat bargat ovddasguvlui muhttašuvvet, galggat seammás ohcat foandastivrras muhttašumiid dohkkehuvvot siskabealde daid eavttuid maid vuodul ožžot stipeandda. Jus it daga nu, fertet buot dahje oassi stipeandarudain máksit ruovttoluotta.
- **Jus oaččut doarjaga eará sajiin** manjil go ohcanáigi lea dievvan, fertet diedihit dan foandastivrii.
- **Almmuheapmi:** Stipeandaoázžu galgá diedihit diehtajuohkimis, gaskkusteamis ja almmuheamis ahte ožžon doarjaga prošeaktii Sámi Dáiddáriid ja Girječálliid Buhtadusfoanddas (SDGB). Girječálliit gálget dáhttut lágádusa čálliit čuovvovaš cealkaga girjái: *Čálli lea ožžon doarjaga Sámi Dáiddáriid ja Girječálliid Buhtadusfoanddas*. Dáiddarat galget seamma láhkai diedihit omd. čájáhuskatalogas, čájáhusa almmuheamis, dahje čájáhusstavahtta ahte lea ožžon doarjaga Sámi Dáiddáriid ja Girječálliid Buhtadusfoanddas.

Ohcamušaid meannudeapmi

Fágalávdegoddi dáiddárstipeanddaid ovddas lea Dáiddalaš Ráđđi (KR), Sámi Dáiddačehpiid Searvis (SDS). Sii meannudit dáiddáriid, dáiddaduojáriid ja govvideaddjiid ohcamušaid ja evttohit dán jagáš stipeanddakandidáhtaid ohcamuša ja dáiddalaš duodastusa vuodul.

Fágalávdegoddi girječálliid stipeanddaid ovddas lea Girječálliid lávdegoddi, Sámi Girječálliid Searvis (SGS). Sii meannudit sámi románačálliid, noveallačálliid, diktačálliid, lávllateakstačálliid, dramatihkkáriid, mánáidgirječálliid, čálliid, máinnasteddjiid dahje luohtedajáhusráhkadeddjiid ohcamušaid ja evttohit dán jagáš stipeanddakandidáhtaid ohcamuša vuodul.

SDGB foanddastivra juolluda stipeanddaid dáiddáriid ja girječálliid fágalávdegottiid evttohusaid vuodul.

Foandda čállingoddi váldá vuostá ohcamušaid, lámbe meannudanbargguid ja juolludanbargguide, ja čuovvula ohcciid ja stipeandaoažžuid.

Mearriduvvon SDS ja SGS lávdegottiin čoahkkimis 30.08. 1990. Rievdaduvvon SDGB stivrras 17.09.96 go SDS ja SGS 1996 jahkečoahkkimis ásahedje odđa stipeanddaid. Odasmahttojuvvon SDGB stivračoahkkimis 25.01.2006. Rievdaduvvon SDS 2019 jahkečoahkkin mearrádusa mielde. Rievdaduvvon SDGB stivrras 2025, SDS jahkečoahkkin 2025 lea dohkkehan dárogiel neavvagiid. Rievdaduvvon SDGB stivrras čakčamánu 2026.